

畿

輔

安

瀾

志

畿輔安瀾志

府河一卷

原委

故道

附載

隄防

橋渡

祠廟

水利

畿輔安瀾志

府河一卷

原委

府河古沈水也本名清苑河亦曰沈苑泊又曰雞距河舊與徐水合流今徐水久已斷流矣明洪武初改保定路爲保定府或以河經府治故名蓋俗稱也源

出府西北三十里滿城縣

漢北平縣地

雞距泉

水經注滹水篇徐水又東逕清苑城又東南與沈水出蒲西俗謂之泉頭水也地理志曰北平縣有

沈水東入河卽是水也

譚案漢志無沈水

太平寰宇記

沈水出清苑縣北清苑縣本樂鄉縣也隋開皇十六年改爲清苑縣因清苑河爲名 胡三省通鑑

注隋改爲清苑縣因滿城縣界清苑河爲名 梁

史河渠志緣邊塘樂起安肅廣信軍南至保州西北蓄沈河爲塘橫廣三十里縱十里深至五尺淺

三尺曰沈苑泊 万輿紀要清苑河源出府西三

十里雞距泉水噴流狀如雞距

謹案泉在蒲城縣東十五里一

畝泉西有二里平地湧出有穴數孔形如雞距故名

謹案徐河一名順水

水經注順水蓋徐水之別名也

源山易州西

南一百二十里之五迴山

水經注徐水出西北廣昌縣東南大嶺下世謂

之廣昌嶺嶺高四十餘里二十里中委折五迴方得達其生嶺故嶺有五迴之名元和郡縣志五

迴嶺在蒲城縣西北五十里

東南流出折三十里逕高家臺白

水泉入焉

水在易州之西山去州一百餘里五迴山南十餘里東南流十里入焉

又

東南二十里逕馮家莊三岔口河入焉

在易州西南一百二

十里東南流十里逕于河井張官舖馮家莊凡十里入焉

又屈山東行二十六

里逕鄧山南

水經注徐水東北屈逕鄧山又屈逕其山南太平寰宇記鄧山在易州

西南四十里志在州西南九十里

又東南流十里折而南流四

里逕石門山飛流直下又名雷溪

水經注徐水又東南歷石門沖

世俗謂之龍門也其山上合下開水歷其間奔溢之音奇爲壯猛

開處高六丈飛

易州西發源五迴

又屈而東流六里又曲折東南

十六里入滿城縣西北之神星

河在滿城縣北

十里自易州流逕縣界至流入清苑縣

老龍潭水自易州西南之北

趙莊東南流入焉

在易州西南八十里源出北趙莊之西山曰老龍泉東流二十七

二里入滿城西北境神星村又東南流八里入焉是河曰三岔口河不見志乘或以老龍潭河卽今

曹河上源非也

又東南流十里逕大冊村又名大冊河

紀要徐河經滿城縣北名大冊河東南流至府北名徐河

亦名要莊河

舊志大冊河亦

曰要莊河

又東南流五里逕眺山北

一統志在滿城縣北三里

又東

南流三十里逕南韓營入安肅縣西南境下流斷

不可識

謹案徐河舊自易州逕滿城清苑安州安肅高陽諸縣水經注謂徐水出廣昌嶺今

易州境也明史地理志謂徐水在安肅縣南四十里與清苑縣接界上有徐河橋縣南二十五里又有曹水流逕北新城入於徐河又云安肅縣易水在此曹河在南徐河在西北又有鮑水漢書地理志北平縣徐水東至高陽入博宋史河渠志太平興國六年遣八作使郝守濬於清苑界開徐河雞距河五十里入白河景德元年北面都鈴轄閭承翰引保州趙彬壘河水入雞距泉以息輓舟之役范成大北使錄徐河在清苑北十里今人謂之饋糧河今其河自滿城而北者一流如故自滿城而南者下流久矣明統志徐水發滿城縣爲大冊河至安肅爲徐河今大冊河至安肅爲曹河而徐河則但有徐河橋在清苑縣北十五里常卽北使錄所謂饋糧河也攷徐河橋下河槽甚深河之上下皆成平地其乾河一道南注保定府治護城河者乾隆十一年開濬疑是徐河分枝而府治東之

國公營開板口二村皆有橋又府東七屯梁家村
有橋屹立平田中曰高虹橋又有古隄曰小家隄
此皆徐河故蹟蓋自徐河橋而流轉東匯曹河以
入海者也水經注又謂曹水東流轉北逕北平
縣東逕蒲城北又東逕清苑城與沈水合此其故
道今皆不可考而漢書地理志宋史河渠志所云
者亦不可復識矣然水經注既云與沈水合則府
河當卽徐水故水經注謂曹水東入徐水也畿輔
地圖記亦謂徐河過清苑折東與曹河一畝泉助
順河合流達安州爲依城河至新安合曹水爲長
流河考府河之名不見載記本是徐水合沈水而
成今徐水斷流獨有沈水故河流日衰若求故蹟
而別濬之以存其舊一可以洩清苑縣境內諸山
之水注潦不憂漫溢一可以暢南河之流使天津
鹽艘南來估舶皆得
往來無滯亦一利也

又案魏書地形志高陽郡

清苑高州太和元年分新城置則是魏已名清苑
縣矣酈道元故有逕清苑城之文方輿紀要清苑
本漢樊輿縣地後魏復置扶輿尋析置永寧北齊
以樂鄉縣省入因改樂鄉隋開皇又改清苑考地
形志扶輿樂鄉永寧並無分析之文與清苑並繫
高陽郡下則當日之清苑卽爲漢之北新城也與
扶輿樂鄉永寧自爲一縣劉昫謂清苑本漢故樂
鄉縣與寰宇記胡三省註皆爲疎也是水旣名清

苑河水經註已有經清苑城之文不可不辨也

又案一統志謂清苑河卽古盧水盧水卽沈水引漢書地理志北平縣有盧水至高陽入河爲証而水經注以地理志盧水出北平疑爲疎闊謂在盧奴縣城而於徐水引地理志則云北平縣有沈水不言盧水豈因疑志爲疎而遂改盧水爲沈水耶抑別有所據或地理志文本係二水並存今本有脫文耶一統志因漢志北平下有盧水無沈水

因以盧水爲卽沈水以調和之今姑從水經注攷
盧水詳唐河篇

東南流二里匯向畝泉滄河之伏流漸出也

采史河渠志自保州西合雞距泉尚泉爲稻田方
田衡廣十里深五尺至三月日西塘泊舊滿城
縣志在縣東十五里泉水湧出其間一畝名一畝
泉一名尚泉隋畿輔通志滄河發源易州嶺流迤
縣西北伏流幾三十里出爲一畝泉書曰水在地

中流曰渝 滿城縣志其下流逕尉公山又名尉
公河

謹案宋志旣以沈河爲沈苑泊又有自保州西合
雞距泉之文則似沈水非源於雞距也而志於河
北諸水則云又於清苑東開徐河雞距河入白河
又云引保州趙彬堰徐河入雞距泉以息挽舟之
役則直以雞距泉與徐河並言不言沈河可知雞
距卽沈河志於緣邊塘梁特據其所起而云自保

州合雖距泉非必指沈水合之也通又案漢書地理志有渝河道西水也此渝河不知所始亦不見他書今滿城縣西北微有河形通志所謂潑源易州嶺不言何嶺未詳其地又水在地中流曰渝亦未詳何書尉公山在滿城縣南非渝河所逕縣志亦不確姑存之以俟參考

又東南流十里逕北奇村南奇村是爲奇村河則申泉紅花泉連寶泉五花泉諸水入焉

畿輔通志奇村河在滿城縣東卽一畝雞距合流處清苑河上流也

謹案申泉在一畝泉南八里乾隆十七年濬與紅花泉連寶泉五花泉皆在一畝泉東南皆渝河伏流湧穴而出者也其餘水泉尙多皆無名皆合申泉入於奇村河泉名爲申以歲在壬申也 總督方觀承申泉記畧滿城縣屬保定郡治之西渝河之流自西來者至邑而泱泱而後出播爲泉曰一

畝曰雞距合而東南流爲奇村又東入清苑境爲
府河奇村河既首受二泉水顧泉之少微則下流
之輪瀉益薄農作灌溉無所資卽自府河以東日
規堰瀦而舟楫往來益梗隘不可遽達故泉之衰
旺其跡著於滿而利所由興弊所由伏不盡繫乎
滿也歲壬申吏有來告邑之東得泉焉棄於葭藪
者舊矣所司具畚鍤召丁役濬之滌之源苗而深
流䟽而清視一畝所鍾大倍十計而泉之左右復

有諸小泉舊闢而今湮者曰五花曰連寶曰紅花
皆次第以修復告乃引之爲河長一百七十丈則
醜爲渠渠受小泉水率一二百丈凡河爲經凡渠
爲緯感江而入於奇村河河之上舊有閘曰嚮水
醜凡新泉及諸小泉來入之者至是畢會工旣竣
爰伐石以紀之泉故無名余名之曰申

又東南流五里入清苑縣西北境又東流十七里逕
保定府城西其別支環城爲濠爲護城河則徐河溝

水逆花池水入之

明統志清苑河在城西二里自雞距泉至此下流
遶城南北至東合流 方輿紀要雞距泉至此分
流遶城南北

謹案護城河環城凡十三里東歸府河徐河在
保定府治北首起安肅縣南三十五里之徐河橋
自橋而南至清苑縣北五里之廣濟橋河形漸成
不可尋求自此而南始有河形悉成溝北行五

里逕保定府城北關外入于護城河蓮花池在府城內府治前明統志雞距與一畝泉合流由城外

濠出爲減水口元張柔又作新渠鑿西城以入水

元史張柔傳後鎮保州引泉入城疏溝以瀉卑濕

循市東行轉北別爲東

流垂及城東又折而西雙流交貫由北水門而出

今蓮花池爲蓮池書院擅亭館之勝其水自城西

濠小閘引沈水入西水門東流入城中濠爲池又

東流循市而南由南水門出注府河其北流久涸

惟府治北至於北水門河形猶有存者而所云別
爲東流垂及東流又折而西之舊跡不可復識矣

折而南迤郡城西南隅則有方順橋河匯諸水支分
爲白草溝河金線河石橋河合流入之匯爲黃狗窪

謹察方順河其上源曲逆河也今則爲廣利渠

見唐

河在滿城縣五十里

方輿紀要在滿城縣南五十里其上源卽完縣之祁水也

東流入縣境爲方順河亦曰順水 一統志又

東至清苑爲石橋河與清苑河合卽古濡水也其

水自完縣之屯頭村東流入滿城縣南境是名方

順河或曰曲逆之名不美改曲爲方改逆爲順或

曰曲逆河至此方順流故名

俗有此二說

東流半里其

分支爲減水河

在滿城縣南五十里乾隆十一年開方順河至屯頭村爲完滿二縣

交界於南岸別開減河以減水勢形如半月首起完縣之屯頭村東流三十五里至滿城之苟各莊

入金線河二次水利工程奏議督積勘得廣利渠至滿城元縣境內每遇夏秋連雨西北一帶水

勢皆湧入此河方順橋之通會金線二關每虞宣洩不及今於關之上二里許挑浚減河一道越過

二關使有餘之水東南分入金線河並加高通會關二尺以防漲溢又東流半里分

爲二北一支曰白草溝由通會開東流十里逕

陽驛

一統志在滿城縣南三十五里

又東南流十五里逕東閭童

村入清苑縣西境之大激店又東北流二十里逕

五里鋪侯河

首起滿城縣東南十餘里之賈村冷水溝東流逕劉家莊入清苑縣西境

又東南流逕五里鋪入於白草溝河今土俗亦名侯河乾溝

自滿城縣東南流

入焉又東流五里逕保定府治西南隅入於府河

南一支曰金線河由金線關東南流二十里入清

苑縣西南境之羅侯村則有謝上村之玉皇廟溝

南流入焉

謝上村溝在清苑縣西南二十五里首起村南玉皇廟東南流五里入金線河

又東流十里逕白城村方輿紀要府西南四十五里有白城宋咸平六年王

繼忠與契丹將耶律瓜奴戰於康村傍西山而北至白城是也又東流五里逕璧

陽城方輿紀要在府西南二十里晉開運二年符彥卿敗契丹兵於璧陽卽此又東流

逕西石橋又東流逕東石橋名石橋河亦曰梁河

方輿紀要梁河在府東三十里自唐河分流逕北又東入安州境合於易水一統志方順河東逕

清苑縣南二十里曰石橋河至縣東南繞城西隅與一畝泉河合亦名梁河又折東北至安州界會

徐河爲依城河羅家清苑縣段家溝首起祁州西北西照黃台一渠由博野入縣境至今土俗猶

稱舊唐河北流入於界河其爲唐河分支無疑紀要是也又謂合於易水者攷奄河名南易水府河

逕善馬廟北與寇河會合寇卽是合易也明統志謂上尾河至安州合易水亦以此又梁河卽石橋

河與一畝泉河會流而東者上入又名梁河也又東北流十里逕梁河橋

入於府河匯爲黃狗窪清苑縣志在城西隅乃一畝泉石橋河匯爲淀也

又藁完縣志豐泉村之水發源於村之西澗逕

豐山村之中東南流與白司水合白司城之水發

源於白司城之北石澗中流數里與豐泉水合南

流逕安陽李思莊之東委曲東注逕林尖村之南

伏流不見至蒲上村之西而見遂爲蒲水逕五郎

至塌子口逕大玉村子城村之東南至屯頭與曲
逆河之下流合而爲方順橋之上流 又案一統
志輿圖方順河上流有二一在完縣之北流逕縣
東一在完縣之西流逕縣南至縣東南會爲一在
北者卽古之蒲水在西者卽五雲石臼二泉合流
而東五雲當卽古濡水之源石臼泉則古蘇水也
其言最爲明晰土俗改曲逆爲方順及曲逆至此
順流信無稽之說也又方輿紀要方順河亦曰順

水水經注光武追銅馬五幡於北平破之於順水
乘勝逐北為虜所敗光武自投崖下遇突騎王豐
下馬援之始僅免退保范陽即此水也考水經注
本文退保范陽下有順水蓋徐水之別名也九字
今刪去此句而以方順河為順水非也又考後漢
書光武本紀建武元年北擊尤來大搶五幡於元
氏追至北平連破之又戰於順水北章懷太子註
水今在易州今徐河發源易州流逕滿城縣北光

武追銅馬賊敗處也本紀曰自投高岸水經注曰
自投崖下蓋滿城北多山故自投崖下若方順河
之經滿城南者皆平原曠野不得言崖岸矣紀要
既以滿城爲漢北平縣地乃以方順河有順字遂
以順河加之亦未考其實也 又案曲逆河古灑

水也

漢書地理志中山國曲逆縣張晏曰灑水於
城北曲而西流故曰曲逆章帝醜其名改曰

蒲陰在完縣東境其上流卽祁河一名祁水水源出

完縣西北二十里伊祁村

隋書地理志北平縣有伊祁山

東南流

會五雲水

宋孫綽游五雲泉記畧北平軍之西三十里有山曰大鬼盤紆延亘甚遠行爲

晉限後與燕接形勢雄秀山下有泉五出澗沸汩冽使君彭城侯元豐八年秋因境內手此泉而忘

歸因謂塚曰五雲泉東南流逕宛縣又南西北五里之源頭村爲源頭泉南流入焉

流流九泉店頭水從北來注之

流九泉即流九水之源也在縣西

望平地九泉並湧南流五里入祁河又西北山半有七泉從石穴流出達於曲水村店頭水原出焉

縣西北二十里之張哥莊東南流入焉

五雲水共爲一川入博水又一統志店頭山在流縣西三十里曲律谷合五泉入博水今博水自

都縣遼完縣滿城入清苑爲界河五雲店頭正在完縣西北何能流入古命水道不可考者多矣

又南流二十里滙放水放水古蘇水也

前漢書地理志南逆

縣有蘇水東入濡水（水經注濡水又東與蘇水會水出縣西南近山東北流逕堯始亭南又東逕

其縣入濡一統志源出完縣西三十里馬耳山

之石曰泉

舊志放水出唐縣東北馬耳山名石曰泉東流入完縣會五雲泉至縣東南會

方順河（讓輔通志五雲石曰二泉流爲放水河五即河入焉）東南流逕唐縣之

放水村爲放水河又東南流逕完縣之常豐村凡

三十九里滙祁水入廣利河

即廣利渠其下流入完縣境行曲逆河故

道爲方順河上源又有蒲河合魚水入之蒲河古蒲水也

源出完縣北四十里之蒲陽山

前漢書地理志中山陽曲逆縣蒲陽

山蒲水所出東入流

通典北平秦曲逆縣漢爲

蒲陰蒲水所出

一統志白崖山在完縣西北四

十里蓋卽古蒲陽

山以聲近而訛也今其水首起縣北之道務村東

南流逕蒲上村又南流逕北堡村魚水入焉

水經注魚

水所出北平縣西南魚山山有二石若巨魚魚水發其下又東流注於蒲水一統志魚條山在蒲

城縣西北五里卽

水經所謂魚水也又東流逕曲逆縣故城東又東

南流逕子城村入於黃利河

又案完縣志柏山

之水發源於柏山村之南東至龍泉寺東而伏齊

哥莊之水發源於張哥莊經齊哥莊之南又附以
眾泉而水益大經侯哥莊村之南至康哥莊村之
南又轉而北合流九水至馬哥莊之西首折而南
數白步又折而東至馬哥莊之東首始轉而東南
流逕荆尖村之西又東南流至西朝陽村之東又
合東朝陽村之水南流至魏村又合唐縣之放水
折而東逕蒲豐堯城下叔三村之北而東注爲曲
逆河之上流又案濡水見漢書地理志及水經

注尤詳其記水源則曰水出蒲陰縣西昌安郭術
其記下流則曰又東北逕樂城縣南又東大博水
自大博水亦兼濡水道稱矣杜預曰濡水出高陽
縣東北至河間鄴縣入易水是濡水與滹沱流易
互受通稱矣今其下流爲方順河或於清苑河而
合霍河正與古合元和志寰宇記皆謂濡水在北
平縣西五里是記其流非記其源也一統志引舊
志謂祁水出伊祁山今祁水出完縣西北東南匯

蘇水入廣利又東逕完縣東南灑蒲水其下流爲
方順河考水經注叙次濡水皆與今水道合而廣
利渠至完縣本用曲逆河則今日之曲逆河爲廣
利渠所奪卽水之卽濡水非誣也且今祁河在完
縣西北者不小於縣東之蒲河而大於唐縣之蘇
水水經注何以有濡蘇蒲三水不記卽水則濡水
之變名爲卽爲俗稱所亂可知又方輿紀要引舊
志云今縣北一里有曲逆水繞縣東南合於卽水

夫祁卽濡也又豈別有濡水與祁合耶又謂濡溪
水分流西南入完縣亦謂之濡水卽所云順道也
考濡溪乃徐水徐何嘗有濡稱耶一統志謂古濡
水有三方順橋爲南濡其北濡卽北易在易州界
下流爲定興縣之沙河亦是與水經注南濡北易
之說相發明今縣志以濡水源出易州窮獨山者
是以北易爲南濡水也又水經注濡水出蒲陰縣
昌安郭南今其地不可考矣統志甘城在縣西北

三里水經注蒲陰昌安郭東有舜氏甘泉及舜氏
如祠舊志今縣西北三里有甘城村其說蓋以甘
城爲舜甘泉及三如祠故處是卽昌安郭矣考水
經注云中山記曰郭東有舜氏甘泉及三如祠諸
傳記無聞此處世代又遠異說之來於是乎相矣
是則當時已無此泉祠而舊志因甘城甘字偶合
卽附會其說也又漢書地理志中山國曲逆遼西
郡肥水俱引師古曰濡乃官反是三濡同音也

一爲灤水之瀦一爲徐水之瀦又北易水亦爲瀦
冰是有其瀦水也北易之瀦其無別音據黨志所
以類推或以爲宮反音近灤而曲逆則以文選高
祖功臣贊曲逆討作夫遇聲讀遂以此瀦字當音
逆徐則北易之瀦或當作何音讀耶且與水道無
關緊要皆所不必也

又東流晉書里人安州西北界龍泉河合諸泉水自
望都縣東東流來滙爲界河折而北流逕善馬驢分

爲減水河其分支東北流仍入於本河

謹案龍泉河一名九龍泉河俗名九龍河其源有

九一北龍泉河在望都縣西北三里泉自平地湧

出迂回南下一堅功泉泉在望都縣西北二里之

大西隄村東流與北龍泉合而南逕望都縣城北

環城爲濠亦名玉帶河

二統志濟水河亦名玉帶河

一西隄南

泉一西隄北泉在望都縣西北二里之小西隄村

北泉流爲西北渠南泉流爲西南渠南泉又受羊

邱溝水

首起望都縣西十里之羊城村東北流十五里入南泉

與合而東南流

逕縣城西北隅入城濠曲家泉在望都縣西南

一里山家灣東流入城濠清水泉在曲家灣南

受黑溝堡水

首起望都縣西十三里之黑溝村東流十五里入清泉

會沈家

泉東流爲清水河入城濠沈家泉在望都縣西

南三里之沈家莊合白城溝

首起望都縣西南計三里之西白城東南

流逕東白村凡十五里入沈家泉

東北流入清泉水河一壩醜泉在

望都縣西南五里龍家莊南流五里會湧漁泉爲

灞龍河一湧漁泉在望都縣西南三里南龍堂東

流入灞龍河又東北流三里合白龍河清水河下

流爲龍泉河又有黃泉黑泉並在望都縣北龍泉

河身內

方輿紀要黃黑二泉與龍泉水合流逕城爲濠隆冬不冰相傳中有溫泉 謹案望

都縣九泉皆稱龍泉會流於縣城北西南三面土俗稱九龍者謂堯有九子泉數適符不知尚有黃

黑二泉則龍泉河貫合十一泉也又畿輔通志謂望都縣清水河入段家溝名舊唐河上流爲祁州

之西照渠又古靈山河上流爲小陳河下流爲土尾河與段家溝合並會於界河此龍泉河入唐河

之故 又有永豐河分流一東北流自鎮北凡八里

入龍泉河一東南流自鎮南凡八里會柳宿河皆

湮沒微有河形而已

一統志永豐河在望都縣東南永豐鎮東半里許延袤十

餘里由王家營達龍泉河今淤龍泉河又東流二里逕王家營過

高嶺閘復分爲九支又東流五里逕安東店

九城志太

平輿國六年析易州遂城縣置靜戎縣景德二年改安東過殷家閘復會爲一

支又東流入清苑縣西南境之楊城村又名界河

又東流逕營頭村則有齊賢莊河東南流入之

乾南

溝一名戒河在完縣南十五里首起將西南十里之郭村東行二十五里入滿城南境之許村又東

行入清苑縣西南境四十里之齊賢莊各齊賢溝
一名齊賢莊河東流四里逕清苑縣西南境四十
五里之鄭各莊則爲鄭各莊溝卽古清涼河也東
流入之清涼河卽水經注灤溝水溝上承清梁陂
又北逕清源城其水東入博水清梁溝源當卽清
涼也魏書地形志蠡吾縣有清涼城今在清苑縣
西南其地與博野縣相近博野
本漢蠡吾也溝與陂俱久湮 又東流折北逕草

橋村則有古靈山河北流入之

古靈山河二源其
首起卽州西十里

之辛安村各辛安渠東流逕州城又東流逕馬固
村則州東南十里之龐各莊渠東北流入之又東
北逕固留村則州東南十五里之東冠渠流入之
又東北流逕王玉港入博野西南境逕古楊村爲
陽村河又東流轉北十五里逕博野縣城東南則
周家晉溝東北流入之又東北流十里逕王家莊

渠入蠡縣西南境又東北流十五里逕蠡縣城南
爲飲饌池又東流轉北二十里逕楊家莊會小陳
河首起博野西北之杜村爲杜村灣東北流逕
閻莊入蠡縣西境逕小陳村又東北流注云里逕
楊家莊會東洋渠又北逕古蠡山爲古蠡山河東
諸案方輿紀要蠡縣又有小陳河此出望都縣界
東北流入安州界今湮與今河凡八里入清苑縣
流不合當是水道之變遷也

東南境會段家溝俗名老河頭其水流入高陽縣

境爲土尾河 又案界河古博水也源出望都縣

西南五里

前漢書地理志中山國望都博水東至高陽入河又信都國下博應劭曰博水

出中山望都入河水經注博水出望都縣東南
流逕其縣故城南 一統志界河即古博水也舊

志屬龍河原出望都南五里之蒲龍泉東北流七里與青龍泉河合又東入清苑縣界曰界河流甚縣南七十里至安州界與方順河合疑卽古博水也在望都縣南五十里其

上流卽望都縣之龍泉河自清苑縣東陽城村入

縣境又名陽城河

後漢書郡國志蒲陰本曲逆章帝更有陽城水經注博水

又東逕陽城縣散爲澤蒲世謂之陽城澗也平寰宇記陽城澗在望都縣東南七里方輿紀

要陽城在完縣東南五十里謹案今清苑縣西南四十里有陽城村與望都縣接界卽古陽城也

其水久涸又柳宿河首起望都縣南四十五里之柳宿村卽元和志所稱柳宿城漢宣帝母王夫人

徵時泣別處也南接定州界東入清苑界東北流二十二里入清苑西南境之武安布又名武安溝

又東北流十五里入焉又柳宿溝下流爲黃龍港
在清苑西南七十里温仁村東北流逕西馬池亦
入焉又南王家疇溝首起望都縣東南東流逕北
王家疇韓家莊柳駝村凡上入甲入清苑縣西南
境逕傅家莊爲啞叭溝又東
北流十里逕張家莊入焉 又東北流二十五里

逕張登村又東流南轉屈而北流逕清涼城清涼

河東南流入焉又東流逕大莊其分支爲大莊新

河在清苑縣東東北流二十里仍入於本河又東

北流十五里入安州西北境則博野之古靈山河

北流入焉又東北流三里仍入清苑縣東南境又

東北流十二里則有土尾河受段家莊溝諸水北

流入焉

黃台渠首起祁州西北十五里黃台村東南流則西照村水爲西照渠亦名孝義河

東流逕中照村北段村南段村合之又東北流逕東章泊西章泊入博野縣西北境大西章村爲大西章渠東北流入清苑縣南境之段家莊爲段家莊溝北流轉東逕楊家橋會古靈山河

謹案祁

州志孝義河本州西瀝水年久漸淤祁西居民嘗被水患乾隆五年總督孫嘉淦檄行修瀆水患始

息又北流二里逕新橋入於府河

謹案一統志以界河爲博水本

之舊保定府志考漢書地理志水經注皆謂博水出望都十三州志後魏宣武帝元年改博陵爲博野以居博水之野太平寰宇記博水源出中山望都入上博縣界因爲名又下博縣亦謂在博水之

野今界河在清苑縣南又南卽爲博野縣又水經注博水出望都縣東南流逕其故城南又東北入地卜博水又東南於瀆重源湧發東南逕三梁亭南又東逕陽城縣其水伏流循賁屆清涼亭西北重源又發又東逕廣望縣故城北又東合囑溝又東北湍水注之自下博水亦兼湍水通稱考其水邊與今所行無異惟言再伏再見則今無之然古今水道變遷不一如陽城淀具大三十里台悉爲平陸安知昔之伏流非今見而不伏耶今灞龍泉適當望都城東南與漢志水經所記博水正合云統志之言足証也又界河者宋遼分界之河也西起保定東訖海口宋史河渠志宋昌程勛獻議開二股河都水監奏議者欲再開二股漸陽北流此乃未嘗睹黃河在界內東流之利也元祐四年尚書省言大河東流爲中國之要險自太昊決後山界以入海不惟淤壤塘澱兼濁水入界河向去

淀則河必北流若河尾直注北界入海則
失險阻之限詔范百祿趙君錫條畫以聞百祿言
自元豐四年河出大吳一向就下衝入界河行流
勢如建瓴今八年不舍晝夜衝刷界河兩岸日漸
開闢運底成空趨海之勢甚迅當日所言界河大
約皆在安州新安東北天津河間兩府之境河渠
志又云開承翰自嘉山引唐河至定州滙沙河入
於界河此地保定府內之界河也今定州之渠雖
不可考而清苑之段家溝猶名古唐河其上流爲
博野之大章溝大章上流爲祁州之西照渠逆溯
其上實接定州則所云甌渠入界河達方舟之溝
者疑卽西照大章溝段家溝也今府河至清苑東
三十里許有糧河橋以宋運糧得名而高陽縣志
以爲土尾河卽宋溝承翰所開渠達方舟之溝者
今段家溝猶滙古靈山河爲土尾河上流土尾河
北至安州入界河具跡瞭然此九龍下尾之所以

稱界河也

又案減河在清苑縣東安州西交界處乾

隆十年開以分殺府河水勢起自安州善馬廟東之府河北岸東流轉北又屈而南流逕李家村東仍歸府河蓋府河自清苑縣東會界河合流而北水多漫溢乾隆十年二次水利工程因減家河舊有河形濬之其下流府曹交界處也 三次工程奏議畧安州依城河地處下流廣利河府河之水悉注於此自東安屯以下南北岸皆有隄以防漫

溢但來勢甚寬而隄尾迫東水不能暢下至臧家灣隄盡之處遂浸漫民田爲患臧家灣舊存河形長里許又曲折東向窪下五里餘卽可歸入曹河曹河亦嘗於此倒漾今卽此處開挑減河一道將挑河之土堆爲兩岸兼將隄盡處接築數丈至減河口爲止河口築外唇正河水至六分以上始令過水而接築之隄與兩埵東水就曹不致散漫俾旁溢之府河倒漾之曹河均有軌轍可循而附

近一帶低窪之地可免於淹沒

其正支東北流十二里逕李家村曹河自安肅縣南
東南流來滙

謹案曹河源出朔寧縣曹河澤

水經注徐水又東左合曹水水出西

北朔寧縣曹河澤今不可考矣其上流卽滿城縣之大册

河古徐水也自入安肅縣西南境之楊村

文獻通考安肅

縣有易水曹河（明史地理志安肅縣曹河在而徐河在西）一統志曹河在安肅縣南三十里

東南流六里逕河北村又東南十二里逕曹家店

又東南流十里逕南北二高橋村又東南流二十

里逕房陵村入安州西北境

安州志曹河自安肅之高橋村至城西李

家莊三十餘里

又東南流逕善馬廟是名唐河口其分支

北流至老河頭入府河其正支又東南流逕李家

村匯府河自曹河店而下乾隆二十八年重濬

又案曹河之源今不可考水經注徐水又東左合

曹水水出西北朔寧縣曹河澤東南流合岐山之

水水出岐山東逕邢安城北又東南入曹河此叙

其上源也又云曹河又東逕北新城故城北此主
莽之朔平縣也曹水又東入於徐水此叙其下流
也一統志方輿紀要皆謂北新故城在安肅縣西
南二十里漢書地理志北新城蕭闕駟曰河間有
新城故此加北方輿紀要又引舊志云安肅縣南
二十五里有曹水西北出曹河潴東南流逕北新
城南入徐水九域志邢子勵高陽記云曹水出釜
山南流逕羊角淀北新城西伏龍泉與曹水合流

方輿紀要釜山在安肅縣西四十里以形似名西
接黑山東臨峭壁中有穴甚宏敞初入曰釜陽口
內爲釜山村然則水經注所謂曹河澤當在今釜
山下朔平縣卽北新城縣在安肅縣境考縣西山
今有釜山村東有水一區周圍里許平時菑涸雨
潦時其水東流至曲城村入雹河當卽所謂曹河
澤也俗稱曲水河竟莫知爲曹河之源矣而易州
西南八十餘里之北趙村有山出泉名老龍泉閉

流入滿城縣境歸大冊河土俗皆以此爲曹河之
源自是而下直至安州滙府河與徐河混爲一水
徐河反爲曹河所奪矣考徐水源遠而流長曹河
源近而流短凡小水歸大水曰入水經謂曹河入
徐水今曹河上流湮失遂以小奪大徐河下流淤
廢又以大爲小曹無上流徐無下尾古今水道變
遷詳記之庶幾尚可辨也

東南流逕安州城北是爲依城河

水經注瀛水又東北逕依城北世謂之依城河他
說無依城之名卽古葛城也郡國志曰高陽有葛
城趙以與燕者也括地志葛城一名依城亦曰
西阿城在瀛州高陽縣西地以徐滋三水並過其
西又出逕其北故曰阿齊有東阿此因曰西阿
謹案依城河府河下流也府河會曹河東流逕安
州城北得是名其水東流過寨頭閘分流爲二一
東北流逕新安縣西南之襍淀會靄河遶城爲濠

又東流爲長流河。水經注依城在新州北。自清苑縣流入。又東。又新安界。卽古濡滋諸水下流也。舊志案左傳昭公七年齊燕盟於濡上。杜預注濡水出高陽縣東北。至鄭縣。入易水。經注滋水自博陵之陽亭。又北合博水。博水自合濡水。又合徐水。又東北之涇。二水又東北。逕依城北。世謂之依城河。據杜氏。則依城河爲濡水。自宋興塘樂水道變遷。涇水自蠡東入河間。不復北行。而依城河止上承。

濡水與杜氏之說適符近者土俗稱州爲濡上是也考依城河原爲滌水故道而水經注滌合濡博徐曹沈諸水則亦諸水故道也今不惟滌不逕依城徐亦斷流濡博曹皆合沈水則獨有府河爲依城河耳古今水道之變如此又滌水於祁州會滋沙二水合流爲豬龍河至高陽入白洋淀在新安縣南自淀中北流至新安城東南之寨南村會府河合而東流至縣東會長流河其下流復會雹河

是爲南易水水經所謂入於易者也此又其變而
不變者歟

又東流五里入新安縣東南界又東流二里逕襍淀
南分流爲二其一北流十二里逕新安縣東是爲長
流河電河自安肅縣北南流來滙又東流十里逕新
安城西環城爲濠又東流二十里逕郭里口

行宮南

在新安縣東二十里

又東流三里逕劉家莊復合於依城

河其一東流十里逕太平莊北

在新安縣南

又東流十八

里逕寨南村北

在新安縣東南

又東流十一里至趙家莊復

合於長流河是爲四父河東流入於任邱縣之四角

河歸淀

長流四父三角諸河俱詳清河篇

二統志襍淀在新安縣西五里周二十里雹水蘆

草灣水所潴

謹案古唐河合南易水於新安爲今府河下游清

苑縣志謂雞距一畝徐曹諸水俱入於澹水水經

注謂澹水又東北逕依城北世謂之依城河是依

城河卽滄水也特今已改其迹矣今廣利渠西引
唐水唐歸方順府河承其下流一波所注脉絡相
因故初二次水利工程凡府屬諸河合爲一議又
滋沙二河卽次唐河者因其至祁州合流滙注統
爲一河此則各自爲流不相混也故惟以方順河
徐河曹河附之郡治九河唐滋沙旣自爲一卷電
河卽南易詳見易水惟平水無考 又案燕山叢
談曰禹疏九河而保定治有九河曰徐曰曹曰電

曰平曰一畝泉曰方順曰滋曰沙曰唐統志引
舊志安州爲九河下流九河者自北而南曰魯曰
徐曰曹曰平曰一畝曰方順曰唐曰沙曰滋張贇
曰平水無考疑卽古之博水今考徐曹一畝方順
界河五水會於安州西至新安界始合魯水唐沙
滋三水會於祈州由博野高陽入豬龍河而逕安
州境界河卽古之博水界河初無平水之名考博
水自漢書而後皆以爲出望都今望都之水惟有

龍泉一水流入清苑縣爲界河別無水以當之
統志謂龍泉河卽搏水是也以搏水爲平水未知
所據安肅縣志謂平河在縣南十里初不言其源
方輿紀要又謂徐曹方順一畝滋沙滋鴉兒湯水
合爲九河鴉兒河乃滹沱分支其說又復不同者
九河之名直隸不獨保定有之皆爲俗說或明代
作志者創爲此言耳此九河者皆在府西北而前
漢書地理志載諸水最備以府西北論則滋唐滋

恒盧博蘇濡蒲徐曹雹皆是而沈水又見水經注
所引地理志是何止於九水謂唐恒盧皆入滄燕
蒲皆入濡則又何以不取博而取平取鴉兒此正
如順德府九河八水皆出晚近不足爲據又考文
獻通考望都有平水不見他書又明史河渠志嘉
靖十一年太僕寺卿何棟勘畿輔河患其一言鴨
沙滋三河俱發源五臺今諸支水抵唐河藺家園
合流入河向東南經任邱霸州天津入海此其故

道也鴨河之名亦惟見此疏不見他書鴉鴨字形相近亦疑鴉爲鴨也並詳滹沱河篇

故道

徐河故道清苑安州高陽皆其所經也

〔漢書地理志〕徐水東至高陽入博〔水經注〕徐水
又東逕清苑城又東與沈水合

謹案徐水入安肅境爲曹河所奪不復能入清苑
縣境矣又水經注徐水又東南逕一故城北俗謂
之祭過城所未詳也太平寰宇記引輿地志云清
苑樊輿城西南隅有聖母祠樊輿王文妻死於此

城之隅就而祭之俗名祭隅城則是訛隅爲過也
一統志祭過城在安州西北徐水入滹處是余安
州亦有徐河故道卽今府河入安州現行之道也
又太平寰宇記於高陽縣聖姑祠引那子勵記聖
姑於魏青龍二年四月下旬與鄰女採樵於滹徐
二水合流之處東海君聘爲婦因爲立祠事是則
徐滹會流於高陽其故蹟不可考矣

濡水故道卽在完縣南境又安州高陽任邱皆其所

逕也

〔漢書地理志〕山逆縣注張晏曰濡水於城北曲而西流 〔水經注〕濡水自源東逕其縣故城南枉渚回湍率多曲復春秋三十七年齊燕會于濡上杜預曰水出高陽縣東至河間鄭縣入易水 太平寰宇記濡水在鄭縣西南二十里向東合易水鄭縣在今任邱縣境其故道已湮 〔一統志〕濡陽隄在安州北十里

曹河故道卽在安肅縣西北其上流淤廢不復可考
博水故道博野高陽深州皆其所逕也

漢書地理志望都博水東至高陽入河又下博應

劭曰博水出中山望都入河

今深州漢下博水道不可復識矣

太平寰宇記博野縣後魏宣武帝景明元年改
博陵爲博野以在博水之野

附載

石井在滿城縣二十里渝河內

滿城縣志井深四十丈兩村四百餘家皆用此水
大旱不竭故老相傳漢時所鑿也

狼山溝在完縣西十五里

刀子溝在完縣西北三十五里志云路皆片石側立
如刀故名

康關溝在完縣北三十里中有廢關不知設自何時

今湮

謹案宋史咸平六年契丹寇定州之望都高陽關將王繼忠等赴救戰於康村傍西山而北至幽城考白城在今清苑縣西南四十五里康關豈卽康村耶方輿紀要謂康村在望都縣境則又與此遠矣又案完縣志尙有西山諸水壇山之水也發源於檀山西北雙廟前此水遇旱則乾涸不至於河一發源於檀山之東北山下西流數里旋繞於

檀山村之西南東至固城之龍門限而伏北山水
壕口之水發源於壕口村之西繞東西壕口二村
之南東流至南下邑村之北與下邑水合下邑村
之水發源於北下邑村之北里許山岸下南流逕
中下邑村之東又逕陳侯村之東東朝陽村之西
西朝陽村之東與西水合孝思莊南山下有一井
斜其口村民汲引而外流溢於村中隨人所引以
爲灌溉灌漑足則放出村東入大河中

平水今無考

辨見前

文獻通考望都有平水

固現溝首起唐縣東境之沙灘東流入望都縣西北境之固現村因名東北流逕安莊常早村三提村大辛莊小辛莊王各莊入完縣西南境其長十八里入於廣利渠

望都縣道溝驛路傍溝也首起望都縣北循驛路而北至方順橋南凡三十里又循白草河而北至保定

府治西凡六十里皆乾隆十一年開以洩大道瀝水
二次水利工程奏議畧望都縣東北一帶瀝水向
山道溝洩入方順橋之白草溝河至清苑西關靈
雨寺橋爲南北大道道溝旣多湮塞大道日漸低
窪每至愁水停阻爲患今將慶都至方順橋之道
溝開挑三十里並將白草溝河南岸酌加築展長
五十七里使河岸不致陡峻逼窄沿途瀝水有所
歸宿卽以所挑之士加築大道再保定府城北南

通城河北接安肅曹河長二十五里旣以消大道
之漑水兼可引曹河以助府河之不足年久淤塞
不通嗣經民力稍加挑濬今再展寬三丈亦卽以
所挑之土築爲疊道積水旣可消除而曹河通流
蓄貯更足以資灌溉並於曹河口建閘一座以資
啟閉

饋軍河

謹案金史地理志洧苑縣有饋軍河今不知所在

說者以爲卽徐河也

史家窪在清苑縣東南八十里百塚村北入於舊河

清苑縣志界河所豬也

伏龍泉羊角淀今無考

邢子勵高陽記曹水出金山東南流逕羊角淀北

新城西有伏龍泉入焉

百濟河今無考

〔金史地理志高陽縣有百濟河

謹案明統志明史地理志方輿紀要有瓦濟河百
濟疑瓦濟之訛

邊吳泊一名邊吳淀在安州西南境

謹案宋史河渠志東起順安邊吳泊至保州合齊
女淀勞淀爲一水宋會要邊吳淀西望長城口尚
百餘里皆山阜高昂水不能至契丹每言宋人安
事塘泊吾騎馳突得此路足矣明道末亦引塘水
開方田始有險可恃方輿紀要九河合流溢而爲

泊處也今州城南尚有邊吳塘又有南北二邊吳村而泊已湮

洵河

畿輔通志在安州東南依城河之分支也

謹案方輿紀要易水東出之別名也宋人以塘泊爲邊備往往修濬以防淤澱故沿邊諸水皆曰洵河則是統名非有專指也

岐山水在今安肅縣北今無考

水經注徐水又東去合曹水出西北朔寧縣曹河
澤東南流左合岐山之水水出岐山逕邢安城北
又東南入曹河

劉家淀在安州西二十里

二統志源出清苑縣石橋一畝二河流逕州境滙

而爲淀入於易河

謹案卽
電河

安肅縣道溝縣南北驛路旁溝也乾隆十一年開濬
於城隍南循驛路南行逕劉祥店荆塘舖凡二十五

里入於曹河於城河北循驛路北行逕五里鋪入於
曹河

三次水利工程奏議畧安肅縣治當南北孔道每
年夏秋雨多四面積水無歸今自田村鋪起導引
萍泉歸入雞爪泉並於北五里鋪起至縣北關五
里開溝渠道仰漑水歸入城北瀑河又承城河之
南直達道溝一十五里從大道之劉祥店荆塘鋪
西折入曹河計自安肅至望都一百四十餘里之

內漑水皆有歸受而通衢處處皆見崇垣

大澗定渠在新安縣西北五里雍正四年開

隄防

龍泉水堰在望都縣東十二里明永樂中築障龍
泉河之水開渠植檣崇禎中易以石穴其孔以時蓄
洩

水朝康熙中重修

望都縣志崇禎中邑令段緯以石易土穴其孔於
中寒之堰下洄則去其塞堰上洄則塞其孔後鄉
民無知值亢旱水洄歸咎於堰決至底其水一洩

音車之流元
無餘上下皆潰後雖於村設堰終不若舊堰之水蓄而能漏也

高嶺閘在望都縣東三里九龍河中雍正四年建乾隆二十八年重修

殷家閘在望都縣城八里九龍河中九龍河過高嶺閘分爲九支至此閘復會爲一去高嶺閘五里雍正四年建乾隆二十八年重修

廣利河隄在完縣西南之常豐村下叔村迄於東南

之王哥村蘇頭村亭鄉村

抹尖口隄在完縣東南濡蒲二水會合之下流水勢湍急康熙十年重修今有北城村子城村等隄皆民築民修

完縣志部修隄岸正黃旗木張佐領地坐落王哥莊村西北丙外加帮河隄水岸一處長十丈頂闊一丈底闊二丈高一丈木張佐領地坐落蘇頭村東北臨河帮隄一處長五尺頂寬一丈底闊二丈

高一丈郭爾泰佐領地坐落抹尖口水冲旱隄一處長三丈頂闊一丈底闊二丈高一丈正黃旗租植柏佐領地坐落北常豐村北旱地一處長四十五丈頂闊一丈底闊二丈高五尺下叔村道北旱隄一處長五丈頂闊一丈底闊三丈高五尺小下叔村北旱隄一處長二十丈頂闊一丈底闊三丈高五尺高承勳佐領地坐落亭鄉村西南河岸加帮一處長二十三丈頂闊一丈底闊一丈五尺高

五尺租植柏佐領地坐落亭鄉村南頭石橋北加
幫河岸一處長一十二丈頂濶一丈底濶一丈高
五尺木張佐領地坐落王哥莊村西內幫河隄一
處長一丈頂闊一丈底闊一丈五尺高一丈趙繼
善佐領地坐落王哥莊村外幫旱隄一處頂闊一
丈底闊一丈五尺高一丈木張佐領地坐落蘇頭
村東內幫河隄旱隄一處長十五丈頂闊一丈底
闊一丈高一丈百爾代佐領地坐落北城村北築

旱隄一處長九丈頂闊一丈底闊一丈高一丈北
城村臨河帮隄一處長九丈頂闊一丈底闊二丈
高一丈民修隄岸北城村東龍王廟北民修河隄
一處長八丈五尺頂闊一丈底闊二丈高一丈蘇
頭村張四等自築私隄長二十五丈五尺頂闊一
丈底闊一丈五尺高一丈子城村抹尖口迤西關
河口另築一隄長三十丈頂闊二丈五尺底闊五
丈高一丈

涿水隄在博野縣之西章村明成化時築以防西章
河泛濫

三岔口隄在清苑縣東自高陽縣馬家莊至縣境夾
河舖東接安州境

三岔口隄在高陽縣西七十五里以防土尾河

劉家口隄在清苑縣東自縣屬青陽樹至老河頭長
三十八里高一丈寬一丈三尺以防一畝泉河泛濫

明嘉靖十六年築

本朝康熙四年重修

東安屯隄在清苑縣東三十里之東安村起自村西東至新橋轉北迄於安州交界之臧家莊長二千七百九十四丈頂寬一丈三四五尺不等底寬二丈八九尺至三丈不等高四五尺至六七尺不等康熙三十七年發帑修築以障府河之水使不西決

積水閘俗名大閘在保定府治西門外二里之吳家灣跨一畝泉上河一畝泉河流逕府治西過吳家灣

石橋折而南數十武建閘以蓄之其下流爲府河明
嘉靖中建石牆分八字南向廣一丈五尺高一丈長
六丈五尺東向廣一丈高九尺長四丈二尺隄長一
十四丈高八尺

本朝康熙十一年重修

小閘亦曰西城小閘在保定府西城水門外城濠兩
岸引大河之水蓄之城隍復引以入城者建置無考
謹案明統志雞距與一畝泉合流由城外濠出水

爲減水口元張柔又作新吳鑿西城以入水則此
閘當是柔所建也

上閘在保定府城東一里之湯家莊一名小聖廟閘
跨府河中明永樂初於湯家莊建石閘名湯家莊閘
亦名上閘嘉靖時重修

本朝乾隆十年改建於小聖廟東

下閘一名青陽樹閘在清苑縣東十七里青陽樹村
之南跨府河中明永樂初建去上閘十里嘉靖時重

修

本朝乾隆十年重建

〔謹案明實錄萬曆三十八年十一月巡按直隸御史畢懋康請修保定清河閘座其略言保定清河源發於滿城抵府而南十里則湯家口爲上閘又十里許則青楊樹爲下閘順流而東直抵天津二閘開創建於成祖定鼎初補修於世廟三十九年日久頽弛今上之三十二年會一議及以物力殫

耗而罷餉之彼中士民咸謂此閘之興有五利焉
章下部議報可自來志乘皆以二閘爲建於明嘉
靖非也

東安屯閘在清苑縣東三十里跨府河去青楊樹閘
二十里乾隆十年建

天莊閘在大莊引河中乾隆二十八年建

藻西閘一名響水閘在滿城縣東十五里之藻西莊
明萬曆中郡人孫慎修建

通會閘在滿城縣南五十里方順河北跨方順河中其閘北口爲通會海口爲金線中則總名曰雞心方順河白草溝河接流處自閘而南者爲方順河自閘而北者爲白草溝河乾隆十年建

金線閘在滿城縣南五十里方順河南爲方順河金線河接流處自閘而西者爲方順河自閘而東者爲金線河乾隆十年與通會閘並建

曹河閘在安肅縣南二十五里曹河南岸慈航寺前

清苑縣道溝入安肅縣歸曹河處也乾隆十年建

安州北隄在安州城北西南接清苑縣之三岔口隄
迤東北至於州城之北卽爲依城河北岸又東入新
安縣境是爲新安縣之西隄

安州南隄在州東南境卽東隄之入新安縣境遶新
安城北又東南入於安州者自新安縣之端村折而
西南入於州東南之山隄村又東南入於高陽縣境
接豬龍河北岸隄

徐曹河隄在安州西北徐曹二水會流入州境之處
今徐河已斷流卽曹河入府河涇州西北者也長五
里明嘉靖中築

半截隄在安州西其西接清苑縣之臧家灣卽清苑
縣東安屯隄之下尾東迄於善馬廟

倒叉口隄在安州北長十二里明嘉靖中築

濡陽隄在安州北十里長十六里明嘉靖中築

壇臺口隄在安州西北與護城隄相接長一萬七百

二十丈明嘉靖中築

善馬廟閘在安州西十里跨府河去東安屯閘二十里乾隆十年建

寨頭村閘在安州東北一里跨依城河去善馬廟閘十里乾隆十年建

初次水利工程奏議畧金線白草二河口各建石閘一座南曰金線北曰通會水小則閉令水全歸府河城下水大則開通會閘令水由金線河歸府

河下游以分減水勢平時則酌量過水以資金線
河西岸民田灌溉之用又府河自城南至安州之
寨頭村長七十八里地勢建瓴水難停蓄舊有上
下二閘卑薄殘缺今折去令於下閘建閘一座并
擇於清苑屬之小聖廟東建閘一座東安屯建閘
一座安州屬之善馬廟建閘一座又寨頭村建閘
一座層層關鎖立定章程則水可常盈不缺

新安縣南隄在新安縣城南舊名大河南隄西南接

安州之隄折北轉東至縣城南又東轉南過端村折而西又轉而南接安州東南之南隄一名閻家灣隄又曰楊柳口隄又曰燒場口隄又曰白家窪隄共長五千七百三十八丈五尺嘉慶五年重修

〔一〕統志大河南隄在新安縣南其南又有圍子隄

〔新安縣志〕自在城村至馬家砦長村一帶閻家隄在縣城南長十五里直抵安州楊柳口隄在縣城東南長十五里燒場口在縣城東南長二十五

里白家窪隄在縣城東南二十二里二隄皆知縣
李昇築

謹案新安縣志趙久中云大河南隄與圍子隄利
害相均如北水決入大河南之隄則圍子淀亦受
其害如南水決圍子淀之隄則大河南亦受其害
若復修劉家墳之舊隄俾大河南圍子淀各爲保
障如南水決圍子則大河南可以圖存如北水決
大河則圍子可以無害

太平莊閘在新安縣南之太平莊西雍正四年於新安縣南隄建閘引依城河之水東南流入於端村之東西渠

寨南村閘一名龍頭閘在新安縣東南之寨南村亦在於南隄上雍正四年建引濶義河之水入於淀頭渠

淀頭閘在新安縣東南大小淀頭村之間亦在南隄上半磚半石爲之乾隆十年建凡淀頭渠諸水由龍

頭閘引入淀頭閘以洩之

端村東閘在新安縣東南端村之東亦在南隄上半磚半石爲之乾隆十年建以洩端村東渠之水

端村西閘在端村西亦在南隄上半磚半石爲之乾隆十年建以洩端村西渠之水

段村閘在任邱縣趙北口西與安州新安接壤卽今端村也

曹河隄在安肅縣西南二十五里長一千五百十

八丈嘉慶七年重修

橋渡

北奇橋在滿城縣東五十里北奇村之西北奇橋南五里爲中奇橋又南五里爲南奇橋皆石橋明建

北張橋在滿城縣東南十八里北張村之南去南奇橋五里南張橋在南張村之東去北張橋五里皆石橋南張橋明建北張橋

本朝康熙中建

謹案以上二橋皆在奇村河一畝泉流逕南北奇

村爲奇村河下流逕南北張村俗又名張村河蓋
隨地易名土俗之稱也

方順橋在滿城南五十里跨方順河上磬石爲之晉
永嘉三年建隋開皇金明昌明嘉靖中皆重修

明兵部侍郎楊順重修方順橋記畧方順河者源
於完縣白崖馬耳二山會於滿城方順流於清苑
注於東海當中山孔道舊有橋不識創自何代廢
有歲時過者病涉今上御宇之三十五年無極縣

掌丁字庫事內監李朗首捐千金請清涼山僧德
印募緣助構靈鑿載揚五村雲集不期歲成石橋
三架長十五丈闊三丈凡費銀兩以三千金役徒
以二萬計垂成之次掘泥得石記云晉永嘉三年
建抵金朝明昌丙辰重修案晉永嘉迄今一千年
有奇明昌迄今又三百餘載修治之歲復值丙辰
事有曠百世而相感者不其然哉

林公橋在方順橋南康熙四十六年保定府知府林

文莫修方順橋南驛路十五里築爲疊道於道上建石橋三故名

陘陽驛橋一在滿城縣東南四十里郭村橋二在陘陽驛八里閻童村橋在郭村東八里諸橋皆在縣境跨白草溝河以木爲之

大州橋在滿城縣北十里兩魚橋在縣東北八里北宋橋在縣東北九里要莊橋在縣東北十里南宋橋在縣東北十二里西莊橋在縣東北十五里馬房橋

在縣東二十里次韓橋在縣東二十五里諸橋皆在大川河上以木爲之秋冬水涸則建春夏水盛則拆東門橋在保定府城東門外西門橋在府城西門外南門橋在府城南門外北門橋在府城北門外北門西橋在北門橋西諸橋皆石橋在護城河上西門橋北門西橋皆明建

清苑縣志西門石橋明萬厯年知縣王政重建北門西石橋萬厯二十年鄉人孫可久重建

謹案徐河之水

分流北注從此
橋入於府河

吳家灣橋又名西下關橋在保定府城西郭外少南
康熙十四年重修甃石爲之

天水橋在保定府城南門外北接南門橋甃石長十
一丈廣一丈五尺高一丈四尺在空中長二丈六尺
南北各長一丈六尺明宏治四年知府趙英建隆慶
五年知府章時鸞重修

明大學士李東陽新建天水橋記畧天水橋者知

保定府趙君儲秀所建也府有河西自滿城縣來環其南郭東至於安州又東至於天津以入於海河故狹稍勝小舟每秋涸則淺可徒涉故南郭之橋殊卑隘弗稱成化乙巳秋君出守是郡又三年爲宏治庚戌再蒞之百度具舉乃藉丁會傭浚而廣之以里計者餘四十又爲大橋高三丈廣加一丈又加礎焉磴石爲密屈鐵爲固中爲洞空上爲坦途君欲通安州之舟泊於城西故高其洞使可

容檣橋旣成復培其兩隄使不過峻於是駕者騎者負而乘者往來而不窮又構數十間爲市聚買而居之登橋而望則烟火四合比於閩閩府之大夫士請名是橋曰天水以識不忘 明都御史孫慎重修天水橋記畧金城趙公始建石橋在水便利名之曰天水自成化以來百十餘年未嘗廢圯迄隆慶五年夏六月大雨傾注河水暴湧遂至傾倒未有能脩復之者太守池州章公始蒞事捐資

卜日興工樂以趨事者競皆協力助工始於隆慶六年正月迄於本年四月橋南北長十一丈東西濶二丈五尺為空者三中長二丈一尺南北各長一丈六尺三空俱高二丈四尺椿木深九尺翼以欄石柱衍東西三十六方羅列左右如人聳立一方之鉅麗千年之偉觀也

上閘橋在清苑縣東去天水橋五里劉河間廟南

舊

劉守廟俗訛劉爺廟橋東三里為王家橋又東三里為下閘橋

又東五里爲仙人橋又東十里爲梁河橋

橋西金線河入府河

處

又東五里爲望陽橋又東五里爲東安橋又東十

里爲新橋又名南陽橋諸橋皆以石爲脚列木成梁輦土其上跨清苑境府河上

大激店橋二在清苑縣西二十五里去閭童村橋東

三里小激店橋二在大激店橋東十里五里舖橋在

小激店橋東十五里馬廠橋在五里舖橋東三里

橋東

卽白草溝河入府河處

諸橋皆在縣境跨白草溝河上架木均

長一丈二尺高九尺乾隆十一年二次水利案內修
建

魏村橋在清苑縣西南四十里魏村北橋東八里爲
白圍村橋又東五里爲壁陽城橋又東五里爲中冉
村橋又東五里爲大冉村橋又東八里爲小福橋又
東三里爲大福橋又東五里爲黃陀橋又東五里爲
西石橋又東二里爲東石橋又東北八里爲小石橋
諸橋皆石橋在縣境跨金線河上

謹案諸橋建置俱無考大冉村橋長五丈廣一丈五尺高一丈五尺明嘉靖時建順治十七年重修邑人賈爾梅有記其云考之縣治大冉河之上流二一自滿城之方順河一自望都之龍泉河至魏村兩水滙爲一東流至此則是龍泉河舊至魏村合方順河逕大冉又名大冉河也今龍泉金線河已不復合而金線河之逕大冉者土人猶稱大冉河蓋隨地易名北方河道循俗之稱往往而是宋

足爲據也

張登橋在清苑縣五十里張登村南明萬厯中重修
橋東一里爲積石橋又東二里爲鄧村橋又東二里
爲金毘橋又東二里爲太平橋又東二里爲營頭橋

以上皆
石橋

又東北十里爲蔡家橋又北爲耿家橋又北

爲石家橋又北爲何家橋又北爲史家橋又北爲苑

家橋又北爲張家橋又東爲沈家橋

以上皆
木橋

又東爲

大橋又東爲小橋

以上皆
石橋

諸橋在縣境皆跨界河上

麥橋在清苑縣東南十里跨大莊引河以木爲之
廣濟橋在清苑縣北五里跨徐河上甃石爲之

開板口橋在清苑縣東北開板村南國公營橋在清
苑縣東北國公營東皆石橋跨徐河上河淤而橋存
高虹橋在清苑縣東七里梁家村東甃石長八丈五
尺寬一丈九尺高五尺明崇禎七年建跨徐河上今
河形已失橋尙屹立於平疇之中

謹案徐河入滿城縣爲大冉河舊自滿城縣東北

入安肅縣西南會曹河又自安肅縣南入清苑縣
北由東而南會沈水諸橋皆跨其上不知自何年
淤廢今河形之在清苑縣東南竟不可考賴此數
橋尚可想見其故蹟也 又案高虹橋建於明崇
禎七年迄今百餘年耳其橋甚壯當時有銅帮鐵
底之目而高不過五尺可見當時河流雖寬河身
已淤淺矣後乃漸至湮廢也

大店橋在清苑縣東南四十里古靈山河北之大店

村橋北三里又爲小店橋皆石橋跨古靈山河

鴨蛋橋在清苑縣東侯河上甃石爲之以形似名

王盤橋在清苑縣南七十里王盤村北跨段家溝上

啞叭橋在清苑縣東南五十里跨啞叭溝上

堯城橋在完縣南七里堯城村北祁河放水河會流

之處今則爲廣利河入曲逆河之處矣去常豐橋四

里康熙三十八年修下叔橋在完縣南六里下叔村

北去堯城橋三里康熙四十年修又縣東南七里亭

鄉村爲亭鄉橋又東南十里王哥莊爲王哥橋又東
南二十里子城村之南屯頭村之北爲子城村橋亦
名屯頭橋蒲河入曲逆河處也以上諸橋皆乾隆十
年脩橋皆甃石爲之

蒲上橋在完縣北十二里蒲上村西又縣東北八里
爲五里橋縣東十五里爲新興橋皆甃石跨蒲河上
通濟橋在望都縣南門外卽南門橋又東門外爲東
門橋北門外爲北門橋皆明建甃石跨護城河上

善人橋在祁州西北佛落村南甃石跨西照渠上長四丈廣九尺高五尺明萬曆三十七年建

本朝乾隆十年重修

古靈山橋在蠡縣東北古靈山河上甃石爲之八道徐橋又名徐河橋在安肅縣南三十五里甃石長七丈廣二丈高一丈五尺跨徐河上金大定中建

謹案滿城縣志謂此橋與方順橋趙州橋皆隋匠人李春造安肅縣志引明成化舊府志云近村居

民鳩工聚石創自大定庚子落成於明昌乙卯滿
城縣志未知何據

善馬廟橋在安州西二十里善馬廟之西南橋之東
北卽界河入府河處也橋北又爲李家莊橋其東又
卽曹河滙府河處也皆跨府河上

安濟橋俗名北關橋在安州北郭甃石跨依城河上
金大定中建

曹河渡在安肅縣南二十五里冬春水涸伐木爲橋

夏秋水漲設舟以濟順治三年建

祠廟

龍母祠舊名龍泉祠在滿城縣東南十五里一畝泉
上明建以祀一畝泉神也

謹案保定府志謂龍泉寺故老相傳建自隋唐不
知何時

小聖廟在清苑縣城東南臨臨府河上以祀府河神
謹案小聖之名頗爲不經而此土多有之皆以爲
河神今在清苑縣者每歲商販往來府河秋日致

祭蓋卽祀府河之神也

南龍堂在望都縣南三里湧漁泉上灞龍河源也祀

灞龍河神

北龍堂在望都縣北三里白龍泉上龍泉河源也祀

龍泉河神

總督方觀承雷溪龍王廟碑記略雷溪之上有龍
王廟畿南數百里內禱於是者雨輒應廟始於何
代莫可考一統志金泰和中賜名雷溪廟之建或

以其時歟乾隆二十有四年夏賜禱於廟雨隨注
往稽首報享因觀焉左有峰上跨廟右爲聖泉寺
溪由後繞前掖廟之右匯爲澤深不可測列石巉
巖如屋如墻如虎蹲如鷓立巨流自石上建瓴而
下響殷山谷澤中多巨魚出沒相傳下有黑龍故
廟祀之廟日久敝湫門逕圯塞思闢而新之里進
士副總戎許成麟適家居方治嶺上道引爲己任
諏吉鳩工經始乾隆己卯仲秋訖於庚辰季夏糜

金六百兩求諸施者

水利

宋保州稻田

宋史河渠志緣邊塘樂自保州西合雞距泉尚泉
爲稻田方田橫廣十里深五尺至三尺曰西塘泊
元塘水溉田

元史良吏傳耶律伯堅桓州人至元九年轉保定
路清苑縣尹初安肅州苦徐水之害訴於大司農
大司農欲奪水故道導水使東東則清苑境地勢

不利伯堅陳其形勢圖其利害事遂得已縣西有塘水溉民田甚廣勢家據以爲磴民以失利訴伯堅命毀磴決其水而注之田許以溉田之餘月乃得堰冰置磴仍以其事聞於省部著爲定制

明龍泉河溉田

明副使錢天錫濬河記峇燕冀以泉流灌注爲沃壤淥易之浸且然况望都乎志稱縣北故有龍泉河溉田甚廣歲久沙礫彌望高仰之地畝不及三

斗已卯之秋予觀於黃黑二泉清潤上澈可以股
引諸渠瀉溢於溝塍畦畛之間邑令受事決河濬
川泄積壅而戒不虞踵其事而忘厥勞安在史鄭
之不可復起也

本朝滿城縣營田取一畝水雞距諸泉之水在縣東南
比奇村尹家莊孫家塘諸處在明時已有之雍正六
年乃大爲營治凡稻田頃畝泉流所及岸田資以灌
溉者尤不可數計

河之水入於府河稍南之金線河分城唐祁等河
瀑漲之山水應請上游常豐之廣利渠並蒲河下
稍均行挑濬深通白草溝河長四十三里零金線
河長九十里零廣利渠長十五里零蒲河長三十
里零又望都縣之九龍泉雨瀑之時溢爲沮洳均
應濬治悉歸溝道加展寬深俾匯入龍泉河達安
州之老河頭長一百五十三里又大莊引河分疏
水勢並應挑濬其府河舊有石閘四座九龍泉上

東壘頭邊村南曲隄同口村郝官村南馮村北馮村
韓堡村居民自營田一千六百三十餘畝

〔乾隆二十八年奏議畧〕保定府屬河道宜加疏
濬也府河發源於滿城縣之一畝泉經保定府城
南會白草溝又東至糧河橋會金線河又東至老
河頭會九龍泉河入安州之依城河復會曹瀑等
河出新安東爲長流河達於西淀應將府河天水
橋以下間段淤嘴裁切白草溝河上通唐邢蒲等

望都縣營田取龍泉河之水支分派別在縣東高嶺
候坨諸村仍會而爲一東入清苑縣界雍正五年營
治高嶺村候坨村稻田一十二頃五十三畝五分九
年改岸田一十頃四十三畝六分至城隍四面居民
自種稻田九泉分流岸地資以灌溉者亦不一而足
安州營地取依城河及淀泊之水在縣北東壘頭西
壘頭邊村南曲隄村同口村郝官村南馮村北馮村
諸處雍正六年營治稻田十六頃三十八畝西壘頭

游舊有石閘二座並其餘木石等橋均請分別修葺以資蓄洩以利行旅又九龍泉河下游麥橋之南應建石閘一座使引河得水則大莊各村均沾灌溉之利

謹案夢溪筆談六宅使何承矩守瓦橋因陂澤之地豬水爲塞自此始壅諸淀至慶厯中內侍湯懷敏復踵爲之熙寧中又開徐村柳莊等澗皆以徐鮑沙唐等河叫候雞距五眼等泉爲源東合滹沱

漳淇易白等水并大河於是自保州西北沈苑深
東盡滄州泛沽海幾八百里悉爲滌潦甚濶處有
六七十里者至今爲籓籬淀淤之處皆變斥鹵爲
美田而魚蝦菰蒲之利人亦賴之宋史何承矩傳
承矩爲六宅使於雄鄭霸州平永固安等軍築隄
六百里置斗門引水種稻經始之秋以霜早不熟
浮言滋起承矩不顧卒成之次年大稔自是軍糈
取給水田而邊民因以富實又劉平自雄州徙知

成德軍奏請引曹河鮑河徐河雞距泉分注溝中
地高則用水車汲引灌溉又太宗太平興國六年
遣郝守信分行河道於清苑縣開徐河雞距河五
十里入白河自是關之漕悉通濟焉真宗咸平五
年順安軍兵馬都監馬濟請自靜戎軍東壅鮑河
開渠入順安軍又自順安軍之西入威虜軍置水
陸管於渠側於保州趙彬奏決雞距泉又
分徐河水南注運渠置水陸屯田天禧末諸州屯

田總四千二百餘頃而河北屯田歲收二萬九千四百餘石保州最多逾其半焉又宋會要嘉祐五年知雄州趙滋言徐河築隄斷水之塘宜開水竇修隄限以節之由此言之雖距徐鮑諸水昔人資用其利明效久矣

本朝雍正初開建水利營田京西一局惟新安爲最蓋邑爲九河尾閘與江南澤國無異也迄今數十餘年所營稻田猶有改爲岸地者大約其故有三北

方民性偷逸民習農家之業鮮盡胼胝之苦水田耕耨其勞十倍岸地多致坐廢生業人事不齊一也南方之水多清北方之水多渾清水安流有定渾水遷徙不常北水性猛北土性鬆以猛流遇鬆土嚙決不常利不可以久享地利不同二也直隸諸水大渠發源西北地勢建瓴浮沙喊土挾之而下石水斗泥深者淤淺淺者淤平當其下流尤易淹塞疏濬之功不能常施坐失美利人事地利兩

有禾盡三也保郡諸河徐亦大水今既奪於曹河
土尾水唐河支流上流亦湮塞無可考殷家溝爲
舊唐河止以溝名于水渥水皆已斷流欲盡水利
隨宜疏濬當使早有灌溉潦有歸宿徒以爲水耨
之法南北異宜亦未之考矣